


**Programma Quo Decanus Et Reliqui Professores Collegii Iuridici in Inclyta
Universitate Rostochiensi Ad Dissertationem Inauguralem, Dn. Candidati,
Johannis Christophori von Hillen ... Die 21. Octobris ... Officiose & amice invitant**

Rostochii: Kilius, 1647

<http://purl.uni-rostock.de/rosdok/ppn731866401>

Druck Freier  Zugang



Gesetz „Luccianus“ (wie bestimmt)

(Kindereignis - Schutz)

Schütze - v. Hillen. /d

R. U. Jan. 1647.

15
Programma

270

DECANUS

ET

Reliqui Professores Collegii Juridici
in Inclyta Universitate Rostochiensis

AD

DISSERTATIONEM INAUGURALEM,
DN. CANDIDATI,
JOHANNIS CHRISTOPHORI
von Hillen / Güstrov: Megapol:

*Die 21. Octobris in Auditorio Majori, horis ante-
& postmeridianis instituendam*

Magnificum Dn. Rectorem,
Dnn. Professores, Doctores, Verbi Di-
vini Ministros, Magistros & Ceteros Studiosæ
Juventutis Cives Academicos, Omnesq; alios
Literatos & Literatis ingenue
faventes

Officiose & amice invitant.


RS(O)S

ROSTOCHII,

Typis NICOLAI KILII, Acad. Typogr.

ANNO M. DC. XLVII.





Decanus & Collegium Faculta- tis Juridicæ in Universitate Ro- stochiensis.



Studii Literarii culturam ut in-
differenter Universam sic & Sacrosan-
ctam nostram Jurisprudentiam sive Ci-
vilem Sapientiam Binis præprimis, Vi-
ridi scilicet Juventutis flore & Insatiabili discendi
cupiditate delectari, Summi Quiritum Nomothetæ
Divi Justiniani Institutionibus suis Imperialibus
præmissi Proœmii Inscriptio ad Cupidam Legum
Juventutem directa liquidò inculcat. Etsi namq;
juxta *Seneca* effatum nihil stultius sit, quam, quia
diu non didiceris, discere nolle, Eamq; ob causam
nati grandes Studio Juris imbui desiderantes nulla-
tenus repelli debeant, Et, quod magis est, Nonnulli,
qui provectioris ætatis existentes ad augustissimam
Legalem scientiam accesserunt, accessus hujus tar-
ditatem fructus postmodum ubertate mirificè resar-
ferint, Singulariaq; Jurisprudentiæ lumina evase-
rint, Veluti *P. Alphen Vari*, quem sutrinâ Cremonæ
diu exercitâ tandem abjectò artis instrumentò clau-
sâq; tabernâ Romam æd Juris scientiam hauriendam
se contulisse Valentinus Forsterus in sua Juris Ro-
mani

mani Historiã refert; Itemq; *Servii Sulpitii*, quem
quamvis in ultimã ætate ad studium Juris pro-
filientem tantam tamen ejus scientiam, ut om-
nes ex omni ætate in Civitate Romana intelligen-
tia Juris instructi, si in unum locum conferantur,
cum Eò comparari non potuerint, sibi quæsisse
Tullius attestatur; *Glossatoris Accursii quoq; & Fr.
Aretini*, quos fermè quadragenarios Jurisprudentiæ
se mancipasse à Raphaele Cumanò memoriæ prodi-
tum est, (ceteris in serâ demum ætate honoratissi-
mam Themidem nostram amplexis propter pagel-
larum angustiam silentio involutis) testimoniis
edocetur; Perrara tamen imò rarissima vix ter qua-
tervè *ex ἀδελφῶν* contingentia proindeque imitatio-
nem omnino respicientia hæc Exempla sunt. Cadu-
cam potius ac (ut Regius Psalter adserit, quotidia-
naq; Experientia re ipsa comprobat) gramînis instar
subitò exarescentem & aquarum velocissimè trans-
euntium exemplo celerrimè avolantem Mortalium
vitam fugacissimam sanè & brevissimam, Artem è
contra & præsertim Jurisprudentiam longè lateq;
diffusam & quasi vastum immensumq; Pelagus esse,
ideoq; uti totum vitæ humanæ curriculum, sic &
Juveniles confestim annos sibi vindicare probè
perpendendum. Memor hujus olim extitit *Nerva
filius Jctus*, quem à primordio statim Adolescentiæ
Juris Alumnum factum esse, ideoq; tantum inibi

profecisse, ut post annos decem & septem publicè de Jure responderit, Domitius Ulpianus refert: Vestigia Eiusdem *Bartolus de Saxoferrato* pressit, quem anno ætatis decimo quartò Sacratissimis Legibus in urbe Perusinâ evolvendis se devovisse & idcirco annò vicesimò peractò Bononiæ pariter de Jure responsitasse, in eaq; ætate Doctoratus honores laudabiliter adsumsisse in Historiis legimus: Idem *Politus Senensis* fecit, quem annis pupillaribus nondum exutū ad Juris Civilis Studium properasse proindeq; ante exactum quartum ætatis suæ lustrum locos plus mille Juris discernendò in controversiam revocantem, totidemq; paradoxa publice defendentem Universæ Italiæ Gymnasia demirata esse, Matthæus Gribaldus scriptum reliquit: Segnior his haud fuit *Corasius*, de quo, quod in tenellâ adhuc ætate Legalem prudentiam adortus ac ea propter annum vicesimum primum vix ingressus communes Doctorum opiniones permultas Patavii summo omnium applausu publicitus refutarit, in descripta ejus vitâ recensetur. Hinc *Baldum Nobilem Perusinum*, (quem omnia postea addidicisse & nihil ignorasse Jason censuit) eo quod ætate grandior animum ad Juris Civilis studium applicuit, à præmemoratò Bartolo sermone hõcce, *Tarde venisti Balde*, exceptum esse Joh. Langlæus in otio suo semestri narrat; quamvis alii & post Eos Valentinus Forsterus, Ipsum in molli
ætate

ætate Juri Civili operam dare cœpisse & annum ne-
dum decimum septimum agens obscurum JctiAfri-
cani Responsum *subl.centum Capua ff. De eò quod cert.*
loc. interpretatum esse, in supra allegatâ Juris Roma-
ni Historia adserat. Dehinc ingruentis senij vitium
Themidos cultori ad Jus anhelanti non parum ob-
stare videtur, quod (uti Priscianus ait) quantò quisq;
Junior tantò docilior & perspicacior existat, & Cor-
pore labante Animi quoq; vigor labascat, senesq;
JctoUlpiano teste, reformare per quã difficile sit: Li-
cet summus Philosophus Aristoteles hos demum,
quorum & ætas & cum ætate Judicium maturuit,
quiq; rerum usu valent, ad Civilem scientiam aptio-
res & magis idoneos, quam immaturi judicij & re-
rum imperitos Juvenes, esse autemet. Præter Ju-
veniles autem annos seriam quoque discendi cupi-
ditatem studia Literarum nostraq; Jurisprudentia
jure suo sibi postulant. Universum enim (ut ille ve-
rissimè perhibet) discendi cupiditas studij Literarij
cursum animat, laboresq; summa pertinacia fran-
git. Neq; modo discendi hæcce cupiditas principio,
ut fieri adsolet, vel in juvenilibus duntaxat annis
fervida esse, post vero paulatim tepere & tandem
frigescere sed ad seram usq; senectam imò extremū
Vitæ halitum indefessâ atacritate continuari debet.
Ex infinitis alijs Par nobile Jctorum, *Pomponius* sci-
licet, qui discendi cupiditatem, uti solam vivendi
rationem optimam, in octavum & septuagesimum

ætatis annum se duxisse notat, & *Salvius Julianus*,
qui tantâ discendi cupiditate flagravit, ut, etsi unum
pedem in sepulchro haberet, se tamen adhuc addi-
scere velle voce memorabili edixerit; viva & excel-
lencia nobis ad excitandum & conservandum ejus-
modi discendi ardorem Exempla imitanda sunt.

Quæ cum itâ sese habeant, non immeritò Exi-
miæ Virtutis & Eruditionis Viro Juveni DN. J O-
HANNI CHRISTOPHORO von *Hillen*
Gustroviensi Megapolitano Iuris utriusq; Candida-
to dudum meritissimo gratulamur. Ipse enim, cum
prima Literarum & Linguarum fundamenta in pue-
rili ætate hausisset, & Studiis humanioribus probe
initiatum esset, Almæ confestim Jurisprudentiæ cupi-
dò discendi Studio in nostrâ hâcce Universitate Ro-
stochiensis se addixit, Et tam in Eâ, (cui Studii sui Le-
galis primitias sacravit) quam florentissimâ Batavo-
rum Lugdunensi Academiâ, ad quam Lares post-
modum studiorum transtulit, per continuum quin-
quennium assiduâ operâ & industriâ Ipsammet ita
excoluit, ut, præter alia in Exercitiis ibidem (quibus
sociatis laboribus interfuit) laudatissimè edita spe-
cimina, Juridicam ante triennium Dissertationem,
de Universâ Feudorum materiâ eruditam conscri-
pserit, & in præmemorato Lycæo Lugdunensi pu-
blicitus masculè defenderit. Alias jam Academias,
quas Dn. Candidatus in peregrinatione Gallia & In-
ferio-


ferioris Germaniæ (ubi non Regiones modò, prout pleriq; nil nisi Castella, sepulchra aliaq; ludicra in-
tuentes & suò se officiò probe functos esse sibi per-
suasum habentes factitant, vidit, sed & statum Rei-
publicæ ejusq; officia, vivendi modū, Leges, Mores,
Populorumq; naturā exactè perspexit) cursu Studii
Juridici peracto non sine fructu salutavit, ibidemq;
nōnunquā, familiaritatis & conversationis cū famo-
sissimis Viris & Jctis ineundæ causâ, aliquantis per
commoratus est, præterimus. Quia verò Literæ &
Virtus tā optimè ut gemmæ aurò inclusæ & Rosæ Li-
liis intextæ conveniunt, Virtusq; maximum Litera-
rum ornamentum ac oblectamentum existat, id cir-
co probæ & præclaræ indolis ductu Virtuti consi-
mul toto conatu studuit, ejusq; viam strenue calca-
vit; adeo ut Noster hicce Dn. Candidatus, qui & Pa-
rentem & Avum Ternosq; Avunculos (& inter Eos
Unum Liberæ Imperialis Reipublicæ Lubecensis
Consulem primarium de Eâq; jam per complures
annos optimè meritum & adhuc merentem) par-
tim piè defunctos partim Dei gratiâ superstites Ho-
noribus Doctoralibus rarâq; eruditione & omni
Virtutum genere conspicuos adgnoscit, quorumq;
etiam post funera vivens Doctrinæ Virtutis & Ho-
norum gloria & fama quôvis longe patrimoniò &
universis bonis caducis.


*Omnia (namq;) dispercunt, munda qua pulchra videntur,
Divitias subito mors inimica rapit.*

Perpe-

*Perpetuo (verò) durat virtus Doctrinaq; rerum
Inq; illam fors nil, quod dominetur, habet*

præstantior & nobilior Jure sanguinis ad Ipsumme
transit, nunc tantò magis de splendida hæcce & hono-
ratâ suâ Familiâ propriò Virtutis & Eruditionis or-
namento ad Eam pariter refluyente ac redundante, I-
psaq; de nostro vicissim Dn. Candidato laudabili Successo-
re & Imitatore gloriari justissimè possint Hâc igitur eximiâ
Juris scientia & Virtute coruscans Dominus Candidatus
cum laborum fortiter exantlatorum Præmium, Honorum
scilicet & privilegiorum Doctoralium, haud-dudum ab
Amplissimâ nostra Facultate Juridicâ decenter & modestè
peteret, Profectusq; ejus Juridici in privato Examine, cui
se subijcere coactus fuit, sat accurate cum Ipsò institutò a-
bundè deprehensi essent, Eum ut meritissimum voti & desi-
derii participem fieri debere concordantib9 Collegii nostri
Juridici suffragiis decrevimus. Ut autem id, quod priva-
tim nobis innoruit, omnibus quoq; innotescat, Publicè
Eum juxta receptam consuetudinem Academicam censuræ
ad 21. Mensis hujus Octobris diem, Jehovah annuente, sub-
mittere non veremur. Quod restat, Magnificum Dn. Re-
ctorem, Reverendos, Consultissimos, Experientissimos,
Clarissimos Dan. Professores, Doctores, Verbi Divini Mi-
nistros, Magistros, respectivè Collegas ac Amicos nostros
honorandos, Nobilissimos itidem & Præstantissimos Stu-
diosos Juyenes, Ceterosq; Literatos & Literatis ingenue
faventes, Ut ad solemnem hunc Actum frequentes profilire,
Eumq; honorificâ & acceptâ suâ præsentia cohonestare,
non graventur, summopere rogatos volumus. Honoris &
amicitiæ hocce officium Nos gratâ mente adgnituros & pro-
nolle & posse omni Benevolentia & beneficentiæ genere
compensaturos esse spondemus P. P. Rostochii sub Sigillo
Facultatis nostræ Juridicæ 10. Octobr. Anno 1647.





ania (ubi non Regiones modò, prout
Castella, sepulchra aliaq; ludicra in-
se officiò probe functos esse sibi per-
ites factitant, vidit, sed & statum Rei-
; officia, vivendi modù, Leges, Mores,
naturã exactè perspexit) cursu Studii
to non sine fructu salutavit, ibidemq;
miliaritatis & conversationis cù famo-
& JCrts ineundæ causâ, aliquantisper
est, præterimus. Quia verò Literæ &
mè ut gemmæ aurò inclusæ & Rosæ Li-
nveniunt, Virtusq; maximum Litera-
tum ac oblectamentum existat, id cir-
bræclaræ indolis ductu Virtuti confi-
atu studuit, ejusq; viam strenue calca-
oster hicce Dn. Candidatus, qui & Pa-
um Ternosq; Avunculos (& inter Eos
e Imperialis Reipublicæ Lubecensis
marium de Eâq; jam per complures
e meritum & adhuc merentem) par-
ctos partim Dei gratiâ superstites Ho-
oralibus rarâq; eruditione & omni-
ere conspicuos adgnoscit, quorumq;
tera vivens Doctrinæ Virtutis & Ho-
& fama quôvis longe patrimonio &
s caducis.

namq;) *dispereunt, mendo qua pulchra videntur,
subito mors inimica rapit.*

Perpe-